

(2)、家廟聯

派衍西江積德累仁源流遠
慶余南國存忠思孝世澤長

居官稟四知四世清風宜復振
講學來三鱸三公瑞兆冀重興

數典莫忘累世家聲傳清白
報功弗替千秋祀事薦馨香

剛毅流芳名高強項家風古
門楣靄瑞運轉橫頭氣象新

豫章發迹卜吉至淮川想當年勤儉成家還須時念宗功祖德
柞嶺分支逮傳居橫市慶此日烝嘗報本尚冀勉為子孝孫賢

三獻樽前歌白雪

四知堂下頌清風

初復一陽光俎豆

新調六律奏宮商

自汉以来世世子孙传清白
由元而降年年黍稷薦馨香
鱣兆三公福履併天心来復
鳳翻五夜文光與宮線增新

玉树併三株貽闕孙谋永垂奕叶
琼楼高百尺繩其祖武更上一层

鱣堂衍庆槐市貽芳当时旧业頻昭堪羨先朝推国柱
旴谷侨居沙溪奠宅此地新猷丕著率由前代振家声

望重关西仰四知芳躅亘古常昭庆衍千秋垂燕翼
派分江右继三瑞遗徽於今为烈泽绵百世起龙文

饌具铜盘自昔林边绵教泽
枝分铁树于今梓里振家声
道重程门学深三尺流芳远
祥钟汉代雀报双环衍庆长

豫章一脉衍浏南当时科名理学炳炳麟麟已千余岁
柞木再传分横市此地诗书礼乐绳绳继继又五百年

将上堂须俨若

纔进步便当肃如

宗庙礼法攸存至止必雍雍肃肃

祖考尊亲所在骏奔须整整齐齐

派分江右

族聚楚南

钟南楚精英有春岭为屏溪水作带

绍东京事业冀鲋鱼结珮黄雀环衔